

EES-STOFNANIR

SAMEIGINLEGA EES-NEFNDIN

REGLUGERÐ FRAMKVÆMDASTJÓRNARINNAR (ESB) nr. 461/2012

2016/EES/57/01

frá 31. maí 2012

um breytingu á reglugerð ráðsins (EB) nr. 1165/98 varðandi hagskýrslur til skamms tíma og reglugerðum framkvæmdastjórnarinnar (EB) nr. 1503/2006, (EB) nr. 657/2007 og (EB) nr. 1178/2008 að því er varðar aðlögun tengda afnámi á breytum fyrir nýjar pantanir í iðnaði (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 1165/98 frá 19. maí 1998 varðandi hagskýrslur til skamms tíma ⁽¹⁾, einkum b- til g-lið 17. gr.,

og að teknu tilliti til eftirfarandi:

- 1) Með reglugerð (EB) nr. 1165/98 er settur sameiginlegur rammi um gerð hagskýrslna Bandalagsins til skamms tíma um hagsveifur og mælt fyrir um nauðsynlegar breytur fyrir skammtímaþróun framboðs og eftirspurnar, framleiðsluþátta og verðs.
- 2) Í reglugerð framkvæmdastjórnarinnar (EB) nr. 1503/2006 frá 28. september 2006 um framkvæmd og breytingar á reglugerð ráðsins (EB) nr. 1165/98 varðandi hagskýrslur til skamms tíma með tilliti til skilgreininga á breytum, skrár yfir breytur og þess hversu oft á að taka saman gögn ⁽²⁾ er kveðið á um skilgreiningar á markmiðum og skráningaratriðum breytanna.
- 3) Í reglugerð framkvæmdastjórnarinnar (EB) nr. 657/2007 frá 14. júní 2007 um framkvæmd reglugerðar ráðsins (EB) nr. 1165/98 varðandi hagskýrslur til skamms tíma að því er varðar stofnsetningu evrópskra úrtakskerfa ⁽³⁾, eru tilteknaðar reglur og skilyrði að því er varðar gagnaflytninga aðildarríkja sem eiga aðild að evrópsku úrtakskerfunum fyrir skammtímahagskýrslur.
- 4) Reglugerð framkvæmdastjórnarinnar (EB) nr. 1178/2008 frá 28. nóvember 2008 um breytingu á reglugerðum framkvæmdastjórnarinnar (EB) nr. 1165/98 varðandi

hagskýrslur til skamms tíma og reglugerðum framkvæmdastjórnarinnar (EB) nr. 1503/2006 og (EB) nr. 657/2007 að því er varðar aðlögun í kjölfar endurskoðunar á atvinnugreinaflokkun Bandalaganna (NACE) og vörflokkun Bandalagsins (CPA) ⁽⁴⁾, uppfærði reglur og skilyrði fyrir evrópska úrtakskerfið eftir samþykkt á reglugerð Evrópuþingsins og ráðsins (EB) nr. 1893/2006 frá 20. desember 2006 um stofnun atvinnugreinaflokunar Evrópubandalaganna (NACE, 2. endursk.) og um breytingu á reglugerð ráðsins (EBE) nr. 3037/90 sem og tilteknum EB-reglugerðum um sérstök hagskýrslusvið ⁽⁵⁾, og reglugerð (EB) Evrópuþingsins og ráðsins nr. 451/2008 frá 23. apríl 2008 um að koma á fót nýrri vörflokkun eftir atvinnugreinum (CPA) og um niðurfellingu á reglugerð ráðsins (EBE) nr. 3696/93 ⁽⁶⁾.

- 5) Breytunum fyrir nýjar pantanir í iðnaði sem komið er á með reglugerð (EB) nr. 1165/98 er ætlað til að þjóna sem meginhagvísir að framtíðarframléiðslu. Forspárgeta þessara breyta er þó takmörkuð og þar sem þessar breytur hafa ekki leitt til stöðugra, leiðandi vísa í öllum aðildarríkjunum hefur evrópska hagskýrslukerfið samþykkt að stöðva gagnasöfnun um breytur fyrir nýjar pantanir í iðnaði, með skírskotun til forgangsörðunar í þróun og gerð hagskýrslna í ljósi skertra tilfanga og með það að markmiði að minnka álag á evrópska hagskýrslukerfið.
- 6) Til að afnema breytur fyrir nýjar pantanir í iðnaði er nauðsynlegt að afnema allar tilvísanir sem gerðar hafa verið til þessara breyta í tengslum við skrána yfir breytur, viðmiðunartímabilið, sundurliðunarstigið, skilafrest gagna, umbreytingartímabilið og skilgreiningarnar sem gilda eiga um þessar breytur og einnig í tengslum við skilyrði evrópska úrtakskerfisins varðandi nýjar pantanir fyrir erlendan markað.
- 7) Ráðstafanirnar, sem kveðið er á um í þessari reglugerð, eru í samræmi við álit nefndarinnar um evrópska hagskýrslukerfið.

SAMÞYKKT REGLUGERÐ ÞESSA:

(*) Þessi ESB-gerð birtist í Stjtið. ESB L 142, 1.6.2012, bls. 26. Hennar var getið í ákvörðun sameiginlegu EES-nefndarinnar nr. 232/2012 frá 7. desember 2012 um breytingu á XXI. viðauka (Hagskýrslugerð) við EES-samninginn, sjá EES-viðbætur við Stjórnartíðindi Evrópusambandsins nr. 18, 21.3.2013, bls. 40.

⁽¹⁾ Stjtið. EB L 162, 5.6.1998, bls. 1.

⁽²⁾ Stjtið. ESB L 281, 12.10.2006, bls. 15.

⁽³⁾ Stjtið. ESB L 155, 15.6.2007, bls. 7.

⁽⁴⁾ Stjtið. ESB L 319, 29.11.2008, bls. 16.

⁽⁵⁾ Stjtið. ESB L 393, 30.12.2006, bls. 1.

⁽⁶⁾ Stjtið. ESB L 145, 4.6.2008, bls. 65.

1. gr.

Ákvæðum viðauka A við reglugerð (EB) nr. 1165/98 er breytt í samræmi við I. viðauka við þessa reglugerð.

2. gr.

Ákvæðum I. viðauka við reglugerð (EB) nr. 1503/2006 er breytt í samræmi við II. viðauka við þessa reglugerð.

3. gr.

Í stað 1. og 2. gr. reglugerðar (EB) nr. 657/2007 komi eftirfarandi:

„1. gr.

Nota má evrópsk úrtakskerfi við að taka saman hagtölur sem greina á milli þess hvort eftirfarandi tvær breytur sem tilgreindar eru í viðauka A við reglugerð (EB) nr. 1165/98 eru innan eða utan evrusvæðisins:

Breyta	Heiti
312	Framleiðsluverð á erlendum markaði
340	Innflutningsverð

2. gr.

Aðildarríki sem taka þátt í evrópska úrtakskerfinu sem um getur í 1. gr. skulu senda gögn til framkvæmdastjórnarinnar (Hagstofu Evrópusambandsins) fyrir að lágmarki starfsemi samkvæmt atvinnugreinaflokkun Evrópusambandsins, fyrir breytu nr. 312 og vörur samkvæmt vöruflokkun eftir atvinnugreinum fyrir breytu nr. 340 sem er tilgreind í viðaukanum.“

4. gr.

Ákvæðum III. viðauka við reglugerð (EB) nr. 1178/2008 er breytt í samræmi við III. viðauka við þessa reglugerð.

5. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 31. maí 2012.

Fyrir hönd framkvæmdastjórnarinnar,

forseti.

José Manuel BARROSO

I. VIÐAUKI

Ákvæðum viðauka A við reglugerð (EB) nr. 1165/98 er breytt sem hér segir:

1) Textanum í c-lið (Skrá yfir breytur) er breytt sem hér segir:

- a) Í 1. mgr. falli breytur „130 Nýjar pantanir móttæknar“, „131 Nýjar pantanir fyrir innlenda markað“ og „132 Nýjar pantanir fyrir erlenda markað“ brott.
- b) Ákvæði 3. og 8. mgr. falli brott.

2) Í e-lið (Viðmiðunartímabil), falli breytur 130, 131 og 132 og viðmiðunartímabil þeirra brott.

3) Textanum í f-lið (Sundurliðunarstig) er breytt sem hér segir:

a) Í stað 4. mgr. komi eftirfarandi:

„4. Þar að auki skal senda allar breytur nema veltubreytur (nr. 120, 121, 122) fyrir atvinnugreinar í heild, eins og þær eru skilgreindar í bálkum B til E í atvinnugreinaflokkun Evrópusambandsins, 2. endursk., og aðalatvinnugreinaflokkum (MIG), eins og þeir eru skilgreindir í reglugerð framkvæmdastjórnarinnar (EB) nr. 586/2001 (*).“

(*) Stjtið. EB L 86, 27.3.2001, bls. 11.

b) Ákvæði 6. mgr. falli niður.

c) Í stað 9. mgr. komi eftirfarandi:

„9. Senda skal breytur fyrir erlenda markaði (nr. 122 og 312) samkvæmt aðgreiningunni í lönd á evrusvæðinu og lönd utan þess. Nota skal þessa skiptingu á atvinnugreinarnar í heild, eins og þær eru skilgreindar í bálkum B til E í atvinnugreinaflokkun Evrópusambandsins, 2. endursk., í aðalatvinnugreinaflokkun, á bálkastigi (1 bókstafur) og á deildarstigi (2 tölustafir) í atvinnugreinaflokkun Evrópusambandsins, 2. endursk. Ekki er krafist upplýsinga um bálka D og E í atvinnugreinaflokkun Evrópusambandsins, 2. endursk., fyrir breytu 122. Að auki skal senda breytuna um innflutningsverð (nr. 340) samkvæmt skiptingunni í lönd á evrusvæðinu og lönd utan þess. Nota skal þessa skiptingu á atvinnugreinarnar í heild, eins og þær eru skilgreindar í bálkum B til E í vöruflokkun eftir atvinnugreinum, aðalatvinnugreinaflokkunum (MIG), á bálkastigi (1 bókstafur) og á deildarstigi (2 tölustafir) í vöruflokkun eftir atvinnugreinum. Framkvæmdastjórninni er heimilt, fyrir aðgreininguna í lönd á evrusvæðinu og lönd utan þess, að ákveða skilyrði fyrir beitingu evrópskra úrtakskerfa, eins og þau eru skilgreind í d-lið fyrstu undirgreinar í 2. mgr. 4. gr. Þessar ráðstafanir, sem er ætlað að breyta þeim þáttum þessarar reglugerðar sem ekki teljast grundvallaratriði, með því að auka við hana, skulu samþykktar í samræmi við þá reglunefndarmeðferð með grannskoðun sem um getur í 3. mgr. 18. gr. Evrópska úrtakskerfið kann að takmarka umfang innflutningsverðsbreytunnar að því er varðar innflutning á vörum frá löndum utan evrusvæðisins. Aðildarríkin, sem hafa ekki tekið upp evru sem gjaldmiðil, þurfa ekki að senda aðgreiningu á löndum á evrusvæðinu og löndum utan þess að því er varðar breytur 122, 312 og 340.“

4) Í g-lið (Skilafrestir gagna), falli breytur 130, 131 og 132 og skilafrestir þeirra „1 mánuður og 20 almanaksdagar“ brott.

5) Í j-lið (Umbreytingartímabil) komi eftirfarandi í stað 3. liðar:

„3. Heimilt er að veita aðlögunartímabil sem lýkur 11. ágúst 2007 vegna breytu nr. 340 með aðgreiningu í evrusvæði og svæði utan evrusvæðisins fyrir breytur 122, 312 og 340 í samræmi við málsmeðferðina sem mælt er fyrir um í 2. mgr. 18. gr.“

II. VIÐAUKI

Ákvæðum I. viðauka við reglugerð (EB) nr. 1503/2006 er breytt sem hér segir:

Breyturnar: „130 Nýjar pantanir móttæknar“, „131 Nýjar pantanir fyrir innanlandsmarkað“ og „132 Nýjar pantanir fyrir erlendan markað“ falli brott.

III. VIÐAUKI

Ákvæðum III. viðauka við reglugerð (EB) nr. 1178/2008 er breytt sem hér segir:

Málgreinin „**132 NÝJAR PANTANIR FYRIR ERLENDAN MARKAÐ**“ falli brott.
